



მიგრანტი

ჩანართს გამოსცემს
ახალგაზრდა მეცნიერთა
კავშირი „ინტელექტი“.

№26,27 / 2017

წარმატებული ბენეფიციარები

ახალგაზრდა მეცნიერთა კავშირი „ინტელექტი“ ევროკავშირის ფინანსური მხარდაჭერით აჭარაში მცხოვრები ეკოლოგიური და შრომითი მიგრანტებისთვის ახორციელებდა პროექტს „მიგრანტთა მდგომარეობის გაუმჯობესება აჭარის რეგიონში“. პროექტს პარტნიორობას უწევდა დემოკრატიის ინსტიტუტი და ხანდაზმულ ქალთა ასოციაცია „ღირსეული სიბერე“.

ჩანართი მომზადებულია ევროკავშირის ფინანსური მხარდაჭერით, პროექტის „მიგრანტთა მდგომარეობის გაუმჯობესება აჭარის რეგიონში“ ფარგლებში. ტექსტში მოყვანილი მოსაზრებები შეიძლება არ ემთხვეოდეს ევროკავშირის ოფიციალურ პოზიციას.

ჩანართის რედაქტორი: სალომე აბულაძე
მისამართი: ბათუმი, ზიროსიანის №18
ტელ.: 24 16 40; ფაქსი: 24 16 50
მობ.: 592 57 18 00
ელფოსტა: info@intellect.ge
ვებგვერდი: intellect.ge



„ინტელექტის“ ორწლიანი პროექტის შედეგები

დასრულდა პროექტი - „მიგრანტთა მდგომარეობის გაუმჯობესება აჭარის რეგიონში“. ახალგაზრდა მეცნიერთა კავშირი „ინტელექტის“ გუნდი ორწლიანი მუშაობის შედეგებს ითვლის:

- ✓ 19 დაფინანსებული მცირე ბიზნესი;
- ✓ 2 დაფინანსებული სოციალური საწარმო;
- ✓ 183 დახელოვნებული მიგრანტი 100%-იანი სასწავლო გრანტით;
- ✓ 200-ზე მეტი გაწეული იურიდიული კონსულტაცია და სამართლებრივი დახმარება;
- ✓ 74 საჯარო ლექცია შრომითი მიგრაციის საკითხებზე და 2 164 მონაწილე.

ეს პროექტის ფარგლებში მიღწეული შედეგების არასრული ჩამონათვალია. „მიგრანტთა მდგომარეობის გაუმჯობესება აჭარის რეგიონში“, რომელიც „ინტელექტის“ გუნდმა ევროკავშირის ფინანსური მხარდაჭერით განახორციელა, მიზნად ისახავდა აჭარის რეგიონში დაბრუნებული, პოტენციური და ეკომიგრანტებისთვის გრძელვადიან პერსპექტივაზე გათვლილი ცხოვრების ღირსეული პირობების ჩამოყალიბების ხელშეწყობას.

პროექტის ამოცანები იყო:

- აჭარის რეგიონის მუნიციპალიტეტებში არსებულ სოციალურ სახლებში მცხოვრები ეკომიგრანტების

ეკონომიკური შესაძლებლობების გაძლიერების მექანიზმების შემუშავება და იმპლემენტაცია;

- მიგრანტების სტიქიური ჩასახლების ადგილებში ჯანსაღი და უსაფრთხო საცხოვრებელი გარემოს ჩამოყალიბება, მათი რესოციალიზაციის ხელშეწყობა;

- დაბრუნებული და პოტენციური მიგრანტების (მათ შორის ქალების), ისეთი ჯგუფების მხარდაჭერა, რომლებსაც აქვთ სურვილი და შესაძლებლობა დაიწყონ ბიზნესი საქართველოში, ჩაერთონ თავიანთი მუნიციპალიტეტებისა და რეგიონის ეკონომიკური განვითარების პროცესებში.

თეონა აპაყსიძე, თეონის მობილი-ზატორი: „განვლილი ორი წელი, რომელიც „ინტელექტის“ გუნდმა ეკოლოგიური და შრომითი მიგრანტების ეკონომიკური მდგომარეობის გაუმჯობესებას – მცირე ბიზნესის განვითარებას, მათ რესოციალიზაციას, კომპეტენციის ამაღლებას, პროფესიულ განვითარებას მიუძღვნა, იყო რთული და დაბრკოლებებით სავსე, თუმცა ძალიან საინტერესო.

ეს ორი წელი, შეიძლება ითქვას, თითოეულმა ჩვენგანმა მიგრანტების გვერდით გაატარა: ჩვენ მათთან არა მარტო სამუშაო ვიზიტით მივდიოდით, არამედ ვცხოვრობდით კიდეც, რათა მათი სატკივარი გვეგრძნო ისე, როგორც საკუთარი.

მიმაჩნია, რომ პროექტი „მიგრანტთა მდგომარეობის გაუმჯობესება აჭარის რეგიონში“ იყო დიდი წარმატებების პროექტი. ამ პროექტის საშუალებით ჩვენ აჭარის რეგიონში სოციალური სანარმოების ჩამოყალიბების პრეცედენტი შევქმენით. პირველი სოციალური სანარმო ქედის მუნიციპალიტეტის სოციალურ სახლთან ჩამოყალიბდა და იქ მცხოვრებ ხუთ ქალბატონს აერთიანებს. მალე ბაზარზე „ოქროს მაკრატლის“ (ასე ჰქვია ქედის სოციალურ სამკერვალო სანარმოს) მიერ წარმოებული პროდუქცია გამოჩნდება. ვიმედოვნებ, მომხმარებელი მიიღებს მას და კმაყოფილიც დარჩება.

მნიშვნელოვანია ისიც, რომ პროექტის ფარგლებში, ე.წ. „ოცნების ქალაქში“ მიგრანტთა საზოგადოებრივი ორგანიზაცია „ოცნების ქალაქი“ დაფუძნდა. იგი მიგრანტთა უფლებებს დაიცავს და „ოცნების ქალაქში“ სანიტარულ-ჰიგიენური პირობების გაუმჯობესებაზე იმუშავებს. ახალდაფუძნებული ორგანიზაციის ერთ-ერთი პრიორიტეტი ბავშვთა და ზრდასრულთა განათლების ხელშეწყობა იქნება.

პროექტის ერთ-ერთი მნიშვნელოვანი კომპონენტი შრომითი მიგრანტების ცნობიერების ამაღლება იყო. „ინტელექტის“ იურისტმა, გიორგი სურმანიძემ, სპეციალურად შრომითი მიგრანტებისათვის მოამზადა ლექცია „თურქეთის რესპუბლიკაში შრომითი მიგრანტების უფლებათა დაცვის მექანიზმები“, რომელსაც თემებში საჯაროდ განიხილავდა. ლეგალური და არალეგალური შრომითი მი-



იხმდა კორძინა



ლევან შარაშიძე



ლევან დიასანიძე



თაბა ნუშუბიძე



ზვიად მახარაძე

გრაციის საკითხებზე მოსახლეობის ინტერესი მაღალი იყო, რის გამოც პროექტით გათვალისწინებული 63 (თექვსი) თითო საჯარო ლექცია შეხვედრის ნაცვლად დამატებით 11 შეხვედრა ჩავატარეთ (სულ 74). მოსახლეობა უფრო აქტიური მაღალმთიან აჭარაში იყო. „თურქეთის რესპუბლიკაში შრომითი მიგრანტების უფლებათა დაცვის მექანიზმებზე“ გამართულ საჯარო ლექციას სულ 2164 მოქალაქე დაესწრო.

და ბოლოს, მინდა მაღლობა ვუთხრა ყველა უწყებას და მოქალაქეს, ვინც გვერდით გვედგა ამ, საკმაოდ რთული პროექტის განხორციელებისას, წარმატებები მათ, ვინც „ინტელექტისგან“ ბიზნესგრანტი მიიღო და დასაქმება პროფესიული სწავლების მონაწილეებს!“

მარი პაპუნძიძე, ექსპერტი კვლევის საკითხებში:

„პროექტის ფარგლებში ჩატარდა შრომის ბაზრის კვლევა, როგორც ქალაქებში – ბათუმსა და ქობულეთში, ასევე თურქეთის რესპუბლიკაში. კვლევის შედეგებზე დაყრდნობით გამოიკვეთა დაახლოებით ოცი მოთხოვნადი სპეციალობა. „ინტელექტმა“ კვლევის შედეგების საფუძველზე მიგრანტ ბენეფიციარებს შრომის ბაზარზე მოთხოვნადი სპეციალობები შესთავაზა 100%-იანი დაფინანსებით.“

სოფო ნაკაშიძე, განათლების მეთოდისტი:

„პროფესიული სწავლების პროგრამის ფარგლებში „ინტელექტს“ 183 (შემოვიდა 399 განაცხადი) კურსდამთავრებული ჰყავს – კონდიტრები, მზარეულები, სტილისტები, ბულალტრები, ელექტრიკოსები, სამკერვალო ნაწარმის სპეციალისტები, ბარმენები, მძიმე ტექნიკის ოპერატორები და ა. შ. მათ შორის 109 ქალია (38 ხანდაზმული).

ორი წლის განმავლობაში გვერდით გვედგნენ პროფესიული კოლეჯების – „ახალი ტალღისა“ და „ბლექსის“ ხელმძღვანელები და პედაგოგები, პარტნიორი ორგანიზაციის – ხანდაზმულ ქალთა ასოციაცია „ღირსეული სიბერის“ წარმომადგენელი ნატა მიქელაძე, რისთვისაც დიდ მაღლობას ვუხდი მათ.

ყველაზე მნიშვნელოვანი ის არის, რომ კურსდამთავრებულების ნაწილი, პროფესიული მომზადება/გადამზადების კურსების გავლის შემდეგ დასაქმდა. ამ ნაბიჯით „ინტელექტმა“ ხელი შეუწყო როგორც ახალგაზრდების, ისე ასაკოვანი ადამიანების პროფესიული უნარ-ჩვევების ამაღლებასა და დასაქმებას.

იმედს მაქვს, პროფესიული განათლება დაეხმარება მიგრანტ ბენეფიციარებს, როგორც დასაქმებაში, ისე ღირსეული სოციალურ-ეკონომიკური პირობების შექმნაში, როგორც ქვეყნის შიგნით, ისე გარეთ. მათ მი-

ერ არჩეული პროფესიები პირდაპირ კავშირშია ლეგალურ დასაქმებასთან და დასაქმების ბაზრის მოთხოვნებთან“.

დავით არძენაძე, ეკონომისტი: პროექტ „მიგრანტთა მდგომარეობის გაუმჯობესების აჭარის რეგიონში“ ერთ-ერთი მნიშვნელოვანი კომპონენტი მცირე სანარმოების ჩამოყალიბებისა და განვითარების ქვეპროგრამა იყო. ჩვენს მიზანს წარმოადგენდა აჭარის რეგიონში მცხოვრები ეკოლოგიური და შრომითი მიგრანტებისთვის მცირე სანარმოების ჩამოყალიბება, მათთვის საარსებო რესურსების შექმნა, სახელმწიფო დახმარებაზე დამოკიდებულებისა თუ საზღვარგარეთ შრომითი მიგრაციის საჭიროების შემცირება.

მცირე სანარმოების ჩამოყალიბებისა და განვითარების პროგრამის ფარგლებში 182 ბიზნესიდეის განაცხადი შემოვიდა. დაფინანსებულია 19 ბიზნესგეგმა. 5 განაცხადი შემოიტანეს სოციალურ სახლებში მცხოვრებმა მიგრანტებმა, სოციალური სანარმოების ჩამოყალიბების მოთხოვნით. მათგან დაფინანსება ორმა მიიღო.

პროექტის ფარგლებში სხვადასხვა მიმართულება დაფინანსდა: საკონდიტრო, სწრაფი კვების ობიექტი, საფუტკრე მეურნეობა, უცხო ენების სწავლების ცენტრი, პურ-ფუნთუშეულის საცხობი, ხელოსნებით მომსახურების ცენტრი, სილამაზის სალონი, ავტოსახელოსნო და ა.შ. დაფინანსებული სოციალური სანარმოებიდან კი ერთი საფუტკრე მეურნეობაა, რომელიც, ძირითადად, ფუტკრის რძის წარმოებაზე იქნება ორიენტირებული, ხოლო მეორე – სამკერვალო-სანარმო.

„ინტელექტის“ მიერ დაფინანსებული ყველა ბიზნესი წარმატებით ფუნქციონირებს. ერთ-ერთმა ბენეფიციარმა, ნარგიზ დუმბაძემ, რომელსაც საოჯახო სასტუმროს განვითარება დაეუფინანსეთ ქობულეთში, სოფელ სახალვაშოში, საუკეთესო მენარმე ქალის წოდება მიიღო.

„ინტელექტის“ გუნდმა პროექტის ფარგლებში – „მიგრანტთა მდგომარეობის გაუმჯობესება აჭარის რეგიონში“, რეკომენდაციები შეიმუშავა და აჭარის მთავრობას წარუდგინა. ■



ქედის სამკერვალო სანარმო „ოქროს მაკრატელი“



მეწაულე ქობულაძე



როლანდ მათაბაძე